

王雱曰伐而共之

達真子曰用兵有言不敢為主而為客不敢進寸而退尺善勝敵者不爭皆意不在於強也是以兵強則不勝者此也木之強則必人共伐兵以柔弱致其勝木以柔弱致其存是以堅強可居其下而柔弱可處其上也是人之立性固不異此

類濱蘇轍曰物之常理精者在上粗者在下其精必柔弱其粗必剛強

黃茂材曰列子載老聃之言曰兵強則滅木強則折列子之書大抵祖述老子之意且其世相去不遠木強則折其文為順今作共又讀如拱其說不通當以列子之書為正

道藏輯要

道德真經  
彭鶴林集註

聖

心集八  
十一

葉夢得曰此有道以佐人主者所以不欲以兵強天下也

天之道章第七十七

天之道其猶張弓乎高者抑之下者舉之有餘者損之不足者補之天之道損有餘補不足人之道則不然損不足而奉有餘御注曰道無益損物有盈虛注焉而不滿酌焉而不竭者聖人之所保也降而生物則天下盈虛與時消息而况於人乎天之道以中為至故高者抑之不至有餘下者舉之不至於不足將來者進成功者退四時運行各得其序滿招損謙得益時乃天道

碧虛子陳景元曰嚴君平曰夫工人之為弓也無殺無生無

喻無張制以規矩督以準繩弦高急者實而緩之弦弛下者  
攝而上之其有餘者削而損之其不足者補而益之弦質相  
任上下相權平正為主調和爲常故弓可秤而矢可行夫按  
高舉下損大益小天地之道也開元疏曰此明人道不能同  
天道之損益而衷多益寡也在易之損下益上曰損損上益  
下曰益以下爲本也三三損損下益上其道上行夫在泰卦  
而損下益上遂變之爲損三三益損上益下民說無疆夫在  
否卦而損上益下遂變之爲益此聖人設卦觀象之法也開  
元引證深得之矣

頴濱蘇轍曰張弓上筋弛弓上角故以況天之抑高舉下大

道藏輯要

道德真經  
彭鶴林集註

書

心集八  
八

無私故均人多私故不均

葉夢得曰張弓者挽之而後弛是亦斂之於已而施之於物  
者也故天道亦如之此其高下抑揚有餘不足無不中其節  
者其取之不在外也人反是求於外而不求於內是以每損  
人之不足以奉已之有餘

清源子劉驥曰天道出於自然故損有餘而補不足人道出  
於使然故損不足以奉有餘

黃茂材曰天之道無高無下無有餘不足譬之張弓然適其  
平而已人則異於天以渺然之軀精神能有幾何晝夜用之  
役於外物無時少休豈非損不足奉有餘乎



孰能損有餘而奉不足於天下者其唯道乎是以聖人爲而不恃功成不居其不欲見賢耶

御注曰不恃其爲故無自伐之心不居其功故無自滿之志人皆飾智已獨若愚人皆求勝已獨曲全惟不欲見賢也故常無損得天之道

碧虛子陳景元曰奉者明聖君哲人居物之上心不忘下如卑者之奉尊而不以高貴加人也夫聖人者圓通爲智因物爲心蓋萬物而不爲義澤及萬世而不爲仁長於上古而不爲老覆載萬物刻雕眾形而不爲巧豈以已所施爲矜恃其美哉功成事遂固處其位哉夫惟不恃不處故能爲羣材之

道藏輯要

道德真經  
彭鶴林集註

墨

心集八  
八〇

帥也

穎濱蘇轍曰有道者贍足萬物而不辭既以爲人已愈有既以予人已愈多非有道無以堪此爲而恃成而處則賢見於世賢見於世則是有餘自奉也

葉夢得曰惟有道者爲能爲天之所爲則亦爲而不恃功成而不處不自安乎外爾此聖人也而曰不欲見其賢夫賢且不欲見而況其聖者乎

清源子劉驥曰孰能損有餘而奉不足於天下者其唯道乎道之在天下萬物恃之以生而不辭皆往資焉而不匱有餘者損之不足者奉之循天之理與天同德使天下自然不失

其正也無自伐之心故爲而不恃無自滿之志故功成不居不持其爲不居其功故不欲見賢

黃茂材曰有道之士以太虛爲室以無何有爲鄉以日月山川爲其燕娛乘雲氣驅役陰陽飲沆瀣而食至和皆天地間物之有餘者取之不窮用之無盡將以養其精神無使不足而已非夫聖人孰能爲之然亦何嘗恃其爲之之跡居成功而見其賢耶

天下柔弱章第七十八

天下莫柔弱於水而攻堅强者莫之能先以其無以易之也

御注曰易以井喻性言其不改老氏謂水幾於道以其無以

道藏輯要

道德真經  
彭鶴林集註

巽

心集八  
四十一

易之也有以易之則徇人而失己烏能勝物惟無以易之故萬變而常一物無得而勝之者

臨川王安石曰天下之物能小而不能大能方而不能圓水則不然因地而爲小大隨器而爲方圓不失其常故曰無以易

耳  
王雱曰水方圓曲直隨物萬變而初不易已此其所以終能勝物也夫玉石堅強矣而持以攻物有時而碎者以其可易

道真仁靜先生曹道冲曰柔之力甚大日以摩軋馳騁堅而強者皆不能勝之矣